

Visoki predstavnik se obratio Vijeću za opće poslove EU

Visoki predstavnik Wolfgang Petritsch se danas obratio Vijeću za opće poslove Evropske unije (EU). On je obavijestio ministre vanjskih poslova 15 zemalja članica EU o toku mirovnog procesa u Bosni i Hercegovini (BiH) i o strateskim prioritetima čije će usvajanje predložiti na Konferenciji Vijeća za implementaciju mira koja će se održati u utorak i srijedu.

Visoki predstavnik je istakao potrebu za daljom podrškom mirovnom procesu, naročito od strane EU, dodajući da je ipak jasno kako će se finansijska podrška smanjiti, te da se očekuje konstruktivniji angazman i veća predanost domaćih organa vlasti u Bosni i Hercegovini.

Prilikom elaboracije njegova tri strateska prioriteta - ekonomskih reformi, povratka raseljenih i izbjeglih i funkcioniranja zajedničkih institucija, ambasador Petritsch je istakao da je u svjetlu smanjenja finansijske pomoći donatora od ključne važnosti da BiH izvrši prijelaz sa privrede koju pokreće pomoć, ka privredi koja počiva na investicijama. Visoki predstavnik je konstatirao da su u BiH potrebne znatne ekonomske reforme da bi se stvorilo okruženje povoljno za poslovne aktivnosti i da bi se otklonile sve prepreke na putu stvaranja jedinstvenog ekonomskog prostora. "Gradjani BiH se trebaju probuditi i zatražiti rješavanje istinskih pitanja, kao što je zapošljavanje, rješavanje stambenih pitanja, obrazovanje," istakao je Visoki predstavnik.

U pogledu procesa povratka, ambasador Petritsch je naglasio da je ohrabren rezultatima u povratku pripadnika manjina postignutim u prvim mjesecima ove godine. Istakao je kako ovo pitanje ima "otrovan učinak na politički diskurs" u BiH i da

se konacno mora razrijesiti. Visoki predstavnik je takodje apelirao na ministre vanjskih poslova da obezbijede fleksibilno finansiranje u cilju pomoci spontanom povratku.

Ambasador je na kraju naglasio potrebu funkcioniranja zajednickih institucija da bi BiH bila u stanju odgovoriti potrebama svojih gradjana i postati pouzdan partner u medjunarodnim odnosima.

Visoki predstavnik je svoje obraćanje zakljucio rijecima da cinjenica da se konferencija PIC-a odrzava u Briselu, na poziv Portugala, koji trenutno predsjedava Evropskom unijom, Javiera Solane, Visokog predstavnika EU za zajednicku vanjsku i sigurnosnu politiku, te Chrisa Patten, Evropskog komesara za vanjske odnose, ima simbolicku vaznost i ilustruje rastucu ulogu EU u politici Jugoistocne Evrope.